



**XALQ DEPUTATLARI BULUNG'UR TUMAN KENGASHINING
QARORI**

2022 - yil 2 - mart

VI-56-52-7-93-K/22

Bulung'ur tuman hokimligi

**Tumanda xalq ta'limi tizimini 2022-yilda rivojlantirish hududiy
dasturi taqdimoti to‘g‘risida**

Xalq ta'limi tizimini yanada rivojlantirish, sohaga doir yangi tashabbuslarni ilgari surish va ularni qo‘llab-quvvatlash, ta’lim va tarbiya sifatiga bevosita va bilvosita ta’sir qilishi mumkin bo‘lgan masalalarni hal qilish, mas’ul tashkilot va bo‘limlar faoliyatini muvofiqlashtirib borish maqsadida hamda “Mahalliy davlat hokimiyati to‘g‘risida”gi O‘zbekiston Respublikasi Qonunining 24-moddasiga asosan xalq deputatlari tuman Kengashining ellik oltinchi sessiyasi

QAROR QILADI:

1. Tuman hokimining yoshlar siyosati, ijtimoiy rivojlantirish va ma’naviy-ma’rifiy ishlar bo‘yicha o‘rinbosari, Xalq ta’limi tizimini isloh qilish bo‘yicha tuman Kengashi kotibi A.Buriboyevning O‘zbekiston Respublikasi Prezidentining 2022-yil 3-fevraldagagi “Xalq ta’limi tizimini isloh qilish bo‘yicha qo‘srimcha chora-tadbirlar to‘g‘risida”gi F-22-sonli farmoyishiga asosan ishlab chiqilgan “Xalq ta’limi tizimini 2022-yilda rivojlantirish hududiy dasturi loyihasi” yuzasidan qilgan taqdimoti ma’lumot uchun qabul qilinsin.

2. Tuman hokimining o‘rinbosari (A.Buriboyev) va tuman Xalq ta’limi bo‘limi (Z.Aliulova) tegishli tashkilotlar bilan birgalikda:

“Xalq ta’limi tizimini 2022-yilda rivojlantirish hududiy dasturi loyihasi”ga (keyingi o‘rinlarda – dastur deb yuritiladi) ijtimoiy tarmoqlardan kelib tushgan qo‘srimcha takliflar va tavsiyalarni ko‘rib chiqsin;

Xalq ta’limi tizimini isloh qilish bo‘yicha tuman kengashi (keyingi

o‘rinlarda – tuman kengashi deb yuritaladi) a’zolari joriy yilning 5-mart kuniga qadar tegishliligi bo‘yicha dasturning har bir bandini qayta ko‘rib chiqsin va tegishli xulosalarini viloyat kengashga kiritsin.

3. Tuman hokimligi axborot xizmati (A.Jabborov), “Bulung‘ur hayoti” gazetasi (G‘.O‘rolov)larga doimiy ravishda dastur doirasida amalga oshiriladigan ishlarni keng yoritib borish tavsiya etilsin.

4. Mazkur qarorning ijrosini nazorat qilish xalq deputatlari tuman Kengashining Ta’lim, sog‘liqni saqlash, madaniyat, sport va ijtimoiy himoya masalalari bo‘yicha doimiy komissiyasi (Sh.Mamatkulov) hamda tuman hokimining o‘rinbosari (A.Buriboyev) zimmalariga yuklatilsin.

Sessiya raisi



N.Mamadiyarova